



Inatsisartuni ilaasortaq Aqqalu C. Jerimiassen, Atassut  
/Maani

**Kiffartuussinermut isumaqatigiissutit pillugit § 37 naapertorlugu 2019-313  
apeqquteqaatinut akissut**

15-10-2019  
Suliaq nr.: 2019 - 21342  
Id nr. 45590765

Asasara Aqqalu C. Jerimiassen

Inatsisartut suleriaasianni § 37 naapertorlugu kiffartuussinermut isumaqatigiissutit pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

**Apeqqut 1: Sinerissami angallannikkut kiffartuussinissamik isumaqatigiissummik  
nutarterisoqarnissaani imaatigut angallannikkut avannaani  
pitsannguutaasinnaasumik, qanormita Naalakkersuisut suliaqarniarpat?**

*Akissut:* Naalakkersuisut maannarpiaq isumaqatigiissutit angallassinermut atuuttut naappata, angallannerit ataqatigiinnissaannik qulakkeerisussaq pillugu isumaqatigiissusiornissamut suliamik piareersaaleruttorput.

Naalakkersuisut suliamik piareersaanerminnut atatillugu pitsaassutsit akulikissutsillu aningaasat eqqarsaatigalugit naammaginatut atorlugit angallannerup annertunerpaanissaanik qulakkeeriviusussamik suliaqarput. Tamatumunnga atatillugu tunngavissat, Aningaasanut Inatsimmi akuerineqartut tunngavigalugit Naalakkersuisut sulipput. Kiffartuussinermut isumaqatigiissutinut tapiissutit ornitassanut, assartuussinissamut periarfissaqartussaannikkaluanut, aammalu akit peqqutaallutik inuit amerlasuut angalanissamut tunuarsimaarfissaraluinut imaluunniit akulikissutsit akuerisassaannigsumik appasiffigisassaraluinut tunniunneqartarput.

Naalakkersuisut ukioq manna marsip qaammataani isumasioqatigiissitsinernik arlalinnik ingerlatsipput, taakkununngalu ilanngullugu siunissami angallassinermut kissaatit eqqartorneqarput. Taamaalilluni Inatsisartuni ilaasortat tamarmik, taamatullu nunatsinni borgmesterit siunissami angallassinermi sullissinissamut kissaatiminnik saqqummiussinissamut periarfissinneqarput.

Kissaatit taakku suliap ingerlaqqinnissaanut tunngavissanut ilanngunneqassapput.

**Apeqqut 2: Umiarsuaaqqat nunaqarfinnut nioqqutissanik assartuutit,  
nioqqutissanik assartuinerup saniatigut inunnik angalanianik  
ilaasoqartarsinnaanerit Naalakkersuisunik periarfissatut isigineqarsinnaanerluni?**

*Akissut:* Aap, Naalakkersuisut siumoortumik periarfissanik mattussiniangillat. Pitsaaqutit ajoqutillu, aammalu minnerunngitsumik aningaasatigut kingunerisassat

misissuiffiqqinneqassapput. Tassannga aaqiinissamut Royal Arctic Line A/S-ip tamanna pillugu isumaqatigiissuteqarfigisinnaanissaa pisariaqassaaq.

**Apeqqu 3: Mittarfeqarnerup inerisaavigineqaleruttornerani, talittarfeqarnerup malinnaatinneqarnissaa Naalakkersuisut pilersaaruteqarfiginerlugu?**

*Akissut:* Aap, umiarsualiviit talittarfiillu pioreersut aserfallatsaaliorneqarnissaat Naalakkersuisut ingerlaavartumik sulissutigaaq, taamatullu nunatsinni sumiiffinni arlalinni nutaamik ineriartortitsinerit ingerlaavartumik ingerlanneqarput. Aningaasanut Inatsimmi kontomi pingaarnermi 87.73.12 Umiarsualivinnut talittarfinnullu aningaasaleeqqinneq, Kangerlussuarmi Umiarsualiviup (4 mio. koruunit), Qaanaami sapsiap (1 mio. koruunit) aamma Ummannami umiarsualivimmi atortut (1 mio. koruunit) pilersaarusiorneqarnissaannut immikkoortinneqarput. Aamma kontomi pingaarnermi tassani umiarsualivinni suliassat pingasut sularineqarnissaannut aningaasanik immikkoortitsisoqarpoq. 2017-ip kingorna 55,6 mio. koruunit sularinninnissamut immikkoortinneqarsimapput. Taakkunangali 32 mio. koruunit nuunneqareerput ilaallu Qaanaami sapsiamut atorneqareerlutik, taamaattumillu 23,6 mio. koruunit sinnerupput. 2020-mut Aningaasanut Inatsisissatut Siunnersuut maannatut iluseqarluni akuerineqassappat, ukiumut missingersuusiorfiusumut 2020-mut 11 mio. koruunit nuunneqarnissaat, aammalu ukiumut missingersuusiorfiusumut 2021-mut aamma 2022-mut 40 mio. koruunit nuunneqarnissaat naatsorsuutigineqarpoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

  
Karl Frederik Danielsen